

*Tarikh Dibaca: 05 JAN 2018M I 17 RABIULAKHIR 1439H*

# **KHUTBAH JUMAAT**

***Tajuk:***

***“MENJAGA KEMULIAAN DAN  
KESUCIAN MASJID”***

***\*\*\****

***Terbitan:  
Unit Khutbah  
Bahagian Pengurusan Masjid  
JABATAN AGAMA ISLAM SELANGOR***



## **SENARAI AHLI JAWATANKUASA KHUTBAH NEGERI SELANGOR 2017**

- 1. SS. Dato' Haji Haris Bin Kasim (Pengerusi)  
Pengarah Jabatan Agama Islam Selangor**
- 2. Tuan Haji Mohd Basori Bin Umar (Ahli)  
Timbalan Pengarah (Operasi), Jabatan Agama Islam Selangor**
- 3. Ketua Penolong Pengarah, (Setiausaha)  
Bahagian Pengurusan Masjid, Jabatan Agama Islam Selangor**
- 4. SS. Dato' Dr. Haji Anhar Bin Haji Opir (Ahli)  
Timbalan Mufti, Jabatan Mufti Negeri Selangor**
- 5. Ustaz Muhammad Farhan Bin Wijaya (Ahli)  
Imam Besar Masjid Sultan Salahuddin Abdul Aziz Shah**
- 6. Ustaz Indera Shahril Bin Mohd Shahid (Ahli)  
Pegawai Majlis Agama Islam Selangor**
- 7. Tuan Haji Abdul Halem Hapiz Bin Salihin (Ahli)  
Ketua Penolong Mufti (Fatwa), Jabatan Mufti Negeri Selangor**
- 8. Dato' Haji Abdul Majid Bin Omar (Ahli)  
Ahli Jawatankuasa Fatwa Negeri Selangor**
- 9. Yg. Berbahagia Dr. Haji Osman Bin Haji Sabran (Ahli)  
Pesara Kerajaan**
- 10. Tuan Haji Hamid Bin Md Isa (Ahli)  
Pensyarah, Kolej Universiti Islam Selangor**
- 11. Tuan Haji Md. Sahari Bin Abdullah (Ahli)  
Ahli Jawatankuasa Fatwa Negeri Selangor**



## “MENJAGA KEMULIAAN DAN KESUCIAN MASJID”

الْحَمْدُ لِلَّهِ الْقَائِلِ: إِنَّمَا يَعْمُرُ مَسْجِدَ اللَّهِ مَنَ ءَامِنَ  
بِاللَّهِ وَالْيَوْمِ الْآخِرِ وَأَقَامَ الصَّلَاةَ وَءَاتَى الزَّكَاةَ وَلَمْ يَخْشَ إِلَّا  
اللَّهَ فَعَسَىٰ ۖ أُولَٰئِكَ أَن يَكُونُوا مِنَ الْمُهْتَدِينَ. <sup>ط</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ  
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَىٰ ءَالِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ  
وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:  
يَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ ۖ وَلَا تَمُوتُنَّ إِلَّا وَأَنتُمْ  
مُسْلِمُونَ.

**Muslimin yang dirahmati Allah sekalian,**

Saya berpesan kepada diri saya dan hadirin sekalian marilah bersama-sama kita memperkasakan ketaqwaan kita kepada Allah SWT dengan sebenar-benar taqwa dengan melaksanakan segala perintah-Nya dan menjauhi segala larangan-Nya. Mudah-mudahan kita mengecapi kebahagiaan di dunia dan di akhirat.

<sup>1</sup> Al-Taubah : 18



Mimbar Jumaat pada hari ini akan membicarakan khutbah yang bertajuk "**MENJAGA KEMULIAAN DAN KESUCIAN MASJID**".

### **Hadirin yang berbahagia,**

Masjid adalah tempat ibadah umat Islam seperti solat dan iktikaf. Masjid menjadi medan pertemuan jemaah dengan pelbagai sajian majlis ilmu seperti ceramah keagamaan, tazkirah, tahlil dan sambutan perayaan. Sejak zaman permulaan Islam lagi kemajuan dan gerakan umat Islam semuanya bermula dari masjid dan ianya menjadi lambang kesatuan ummah. Masjid adalah segala-galanya dalam kehidupan individu Muslim. Namun begitu, perlu diingat masjid mempunyai adab-adabnya yang tertentu dan umat Islam perlu menjaga kemuliaan dan kesuciannya ketika berada di Masjid.

### **Hadirin yang dikasihi Allah sekalian,**

Firman Allah SWT dalam surah al-Taubah ayat 18 :

إِنَّمَا يَعْمُرُ مَسْجِدَ اللَّهِ مَنْ ءَامَنَ بِاللَّهِ وَالْيَوْمِ الْآخِرِ  
وَأَقَامَ الصَّلَاةَ وَءَاتَى الزَّكَاةَ وَلَمْ يَخْشَ إِلَّا اللَّهَ فَعَسَىٰ  
أُولَٰئِكَ أَنْ يَكُونُوا مِنَ الْمُهْتَدِينَ ﴿١٨﴾

*"Hanyasanya yang layak memakmurkan (menghidupkan) masjid-masjid Allah itu ialah orang-orang yang beriman kepada Allah dan hari akhirat serta mendirikan sembahyang dan menunaikan zakat dan tidak takut melainkan kepada Allah, (dengan adanya sifat-sifat yang tersebut) maka adalah diharapkan mereka menjadi dari golongan yang mendapat petunjuk".*



Allah SWT menjelaskan bahawa orang-orang beriman itu adalah orang-orang yang layak untuk memakmurkan masjid-masjid Allah. Membina dan memakmurkan masjid adalah antara cara untuk mendekatkan diri kepada Allah SWT. Islam amat menitik beratkan pemeliharaan kesucian masjid sehingga Islam melarang orang yang baru makan makanan yang berbau seperti petai, durian, bawang dan rokok untuk memasuki masjid kerana ia boleh mendatangkan rasa kurang selesa di kalangan jemaah lain. Selain daripada itu kita juga perlu menjaga kebersihan tubuh badan dan pakaian, membersihkan mulut dan membersihkan tempat ibadah daripada sebarang kekotoran.

### **Hadirin sidang Jumaat yang dirahmati Allah sekalian,**

Dewasa ini kemuliaan dan kesucian masjid telah dinodai oleh perbuatan-perbuatan yang tidak bertanggungjawab. Kita sering mendapat laporan dari pelbagai bentuk media mengenai kejadian kecurian tabung masjid dan tabung anak yatim di masjid-masjid. Kes-kes kecurian yang dilaporkan dari hari ke hari amat membimbangkan. Ianya melibatkan pelbagai golongan yang terdiri daripada orang dewasa atau remaja. Adakalanya manusia hilang pertimbangan sehingga sanggup mengambil hak masjid dan tidak memikirkan kesan disebalik perbuatan jenayah mereka. Apa yang mereka fikirkan adalah kepuasan diri mereka bagi mendapatkan kesenangan yang sementara.

Justeru, semua *ahli qaryah* perlu bertanggungjawab terhadap kesucian, kebersihan dan keselamatan Masjid. Mari kita renung ayat 108 surah at-Taubah antara lain menjelaskan mengenai kepentingan masjid sebagai tempat mencetuskan rasa takwa kepada Allah SWT mudah-mudahan kita dapat menjaga kesucian dan kemuliaan Masjid itu sendiri.

Firman Allah SWT dalam surah al-Taubah ayat 108:



فِيهِ رِجَالٌ مُّحِبُّونَ أَنْ يَتَطَهَّرُوا وَاللَّهُ يُحِبُّ الْمُطَهَّرِينَ



*"Dalam Masjid itu ada orang-orang lelaki yang suka (mengambil berat) membersihkan (mensucikan) dirinya; dan Allah mengasihi orang-orang yang membersihkan diri mereka (zahir dan batin)".*

### **Hadirin sidang Jumaat yang dirahmati Allah,**

Masjid juga bukanlah tempat untuk menanam bibit-bibit kebencian satu golongan kepada golongan yang lain dan ia bukan tempat mewujudkan perpecahan di kalangan umat. Ia juga bukan tempat untuk menabur fitnah atau dijadikan gelanggang perbalahan untuk mencaci atau mencerca pihak yang dibenci. Apatah lagi menggunakan masjid sebagai tempat untuk menghina, mencemuh, mencarut dengan pelbagai kata-kata yang tidak wajar diucapkan. Jangan kita jadikan masjid tempat untuk mencetuskan persengketaan, tuduh-menuduh dan menjadikannya sebagai tempat kita memperlekehkan pihak yang tidak sehaluan dengan kita. Masjid juga tidak sepatutnya dijadikan tempat melakukan aktiviti berjual beli dan kempen untuk menjual ubat-ubatan dan sebagainya.

### **Muslimin yang dikasihi Allah,**

Semua pihak wajib sedar dan peka dengan rasa tanggungjawab supaya memastikan setiap program yang dilakukan didalam masjid adalah bersesuaian dengan adab dan akhlak Islam. Oleh itu kesucian masjid sepatutnya dipelihara agar keharmonian dan *ukhuwah islamiyyah* dapat dipupuk dalam kalangan jemaah. Dalam satu hadis daripada Abu Hurairah Radiallahu Anhu, baginda SAW menyifatkan bahawa Masjid adalah tempat yang mulia dan tempat yang paling disukai oleh Allah SWT.

Sabda Nabi SAW:



## أَحَبُّ الْبِلَادِ إِلَى اللَّهِ مَسَاجِدُهَا

*"Tempat yang paling disukai oleh Allah adalah Masjid".*

*(Riwayat Muslim).*

### **Muslimin yang dikasihi Allah sekalian,**

Mengadakan majlis pernikahan di dalam masjid adalah harus hukumnya malah amat digalakkan. Oleh itu, hukum hakam dan adab-adab ketika berada didalam masjid hendaklah dijaga termasuklah tatacara berpakaian dengan menutup aurat, tidak mengambil gambar sesuka hati dan tidak bercakap dan ketawa dengan suara yang tinggi sehingga boleh mengganggu ketenteraman, kemuliaan dan mencemarkan kesucian masjid. Kemuliaan dan kesucian masjid itu hendaklah dipelihara sepanjang masa agar majlis yang dijalankan mendapat berkat dan tidak mengundang murka Allah. Sabda Nabi SAW daripada Anas Bin Malik Radiallhu Anhu:

إِنَّ هَذِهِ الْمَسَاجِدَ، لَا تَصْلُحُ لِشَيْءٍ مِنْ هَذَا  
الْبَوْلِ، وَلَا الْقَذْرِ، إِنَّمَا هِيَ لِذِكْرِ اللَّهِ عَزَّ وَجَلَّ،  
وَالصَّلَاةِ، وَقِرَاءَةِ الْقُرْآنِ

*"Sesungguhnya masjid-masjid tidak wajar untuk dijadikan tempat kencing dan melakukan kekotoran serta membuang sampah. Ia hanya untuk dijadikan tempat mengingati Allah, dan Solat dan membaca al-Quran."*

*(Riwayat Muslim).*

### **Hadirin sidang Jumaat yang dirahmati Allah,**



Semenjak zaman Rasulullah SAW, masjid bukan terhad sebagai tempat beribadah semata-mata tetapi merupakan pusat kegiatan dakwah. Oleh itu peranan masjid pada hari ini hendaklah mencakupi pelbagai aspek seperti penganjuran program keagamaan dan aktiviti kemasyarakatan dalam aspek kehidupan, pendidikan, kebajikan, dan aktiviti penyatuan ummah. Ini termasuklah menjalankan aktiviti-aktiviti pengajaran, dakwah, program untuk remaja, sambutan keagamaan serta galakkan kepada masyarakat untuk berjemaah solat lima waktu sehari semalam. Oleh itu, setiap muslim dan masyarakat setempat hendaklah berperanan dalam memakmurkan masjid, kerana memakmurkan rumah Allah itu adalah bukti mensyukuri nikmat Allah SWT. Sabda Nabi SAW melalui sebuah hadis daripada Abu Said al-Khudri Radiallahu Anhu:

إِذَا رَأَيْتُمُ الرَّجُلَ يَعْتَادُ الْمَسَاجِدَ، فَاشْهَدُوا لَهُ  
بِالْإِيمَانِ

*"Apabila kamu melihat orang yang berulang alik ke masjid, maka saksikanlah bahawa dia adalah orang yang beriman".*

*(Riwayat al-Tirmizi).*

### **Hadirin yang dirahmati Allah sekalian,**

Kesimpulan khutbah yang dapat kita ambil pengajarannya pada hari ini adalah:

1. Umat Islam hendaklah menyakini bahawa Masjid adalah tempat menjana ketaqwaan kepada Allah SWT.
2. Umat Islam hendaklah menjadikan Masjid sebagai wadah penyatuan umat Islam serta menghidupkan peranan Masjid dengan segala program dan aktiviti keagamaan.





3. Semua pihak termasuk Pentadbir masjid dan ahli qaryah perlu berganding bahu bagi menjaga kemuliaan, kebersihan dan keselamatan masjid.

أَعُوذُ بِاللَّهِ مِنَ الشَّيْطَانِ الرَّجِيمِ  
فِي بُيُوتِ أَذْنِ اللَّهِ أَنْ تُرْفَعَ وَيُذْكَرَ فِيهَا أَسْمُهُ يُسَبِّحُ لَهُ فِيهَا  
بِالْغَدُوِّ وَالْأَصَالِ ﴿٣٦﴾

*"(Nur hidayah petunjuk Allah itu bersinar Dengan nyatanya terutama sekali) di rumah-rumah Ibadat Yang diperintahkan oleh Allah supaya dimuliakan keadaannya dan disebut serta diperingat nama Allah padanya; di situ juga dikerjakan Ibadat mensuci dan memuji Allah pada waktu pagi dan petang".*

(al-Nur : 36).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.  
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ  
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ  
هُوَ الْغَفُورُ الرَّحِيمُ.

\*\*\*\*\*

Puaad/Nurul  
18.12.2017



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى  
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ  
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Oleh itu marilah kita sentiasa memperbanyakkan solawat dan salam ke atas Nabi kita Muhammad SAW. Firman Allah SWT:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا  
صَلُّوا عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ  
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ  
أَعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ  
وَالْمُشْرِكِينَ وَدَمِّرْ أَعْدَاءَكَ أَعْدَاءَ الدِّينِ. وَانصُرْنَا  
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ  
تَحْفَظَ بَعَيْنِ عِنَايَتِكَ الرَّبَّانِيَّةِ، وَبِحِفْظِ وَقَايَتِكَ  
الصَّمَدَانِيَّةِ، جَلَالَةَ مَلِكِنَا الْمُعْظَمِ، سُلْطَانَ  
سَلَاطُورِ، سُلْطَانَ شَرَفِ الدِّينِ اَدْرِيسِ شَاهِ  
الْحَاجِ، ابْنِ الْمَرْحُومِ سُلْطَانَ صَلَاحِ الدِّينِ عَبْدِ  
الْعَزِيزِ شَاهِ الْحَاجِ. اللَّهُمَّ أَدِمِ الْعُونَ وَالْهِدَايَةَ  
وَالتَّوْفِيقَ، وَالصِّحَّةَ وَالسَّلَامَةَ مِنْكَ، لِيُولِيَ عَهْدِ  
سَلَاطُورِ، تَغْكُو أَمِيرِ شَاهِ، ابْنِ السُّلْطَانَ شَرَفِ



الدِّينِ ادریس شاه الحاج، فِي اَمْنٍ وَصَلَاحٍ وَعَافِيَةٍ  
بِمَنِّكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ  
عُمْرَهُمَا، مُصْلِحِيْنَ لِلْمُوْظَفِيْنَ وَالرَّعِيَّةِ وَالْبِلَادِ،  
وَبَلِّغْ مَقاصِدَهُمَا لِطَرِيْقِ الْهُدٰى وَالرَّشٰدِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkeadilan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana dan peliharalah kami daripada ajaran yang terkeluar daripada Islam seperti Qadyani dan ajaran sesat seperti Syiah, serta ajaran-ajaran lain yang difatwakan menyeleweng dari ajaran Islam atau bertentangan dengan pegangan Ahli Sunnah Wal Jamaah. Ya Allah bukannya hati kami untuk mendirikan solat fardhu lima waktu, menunaikan zakat melalui Lembaga Zakat Selangor, mewakaf dan menginfaqkan harta melalui Perbadanan Wakaf Selangor dan Tabung Amanah Pembangunan Islam Selangor.



رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا  
لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ  
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ  
لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.

\*\*\*\*\*